

# Arubaanse Courant

## LIDERNAN GRANDI MES TA ATACA OTRO CU INFORMACIONNAN PUBLICO

HONG KONG -- UPI -- Informacionnan di China Comunista ta bisa awe qu e minister di Defensa, Lin Piao, a hasi un yamamentu riba pueblo chine's pa nan lanta y aplasta e enemigunan di presidente di Partido Comunista Mao Tse Tung.

Nan ta bisa qu Lin a declara qu China ta meimei di un "guerra civil".

E advertencia di Lin, qu a ser transmiti door di e correspondan di prensa haponese na capital di China, Comunista, a tuma lugar mientras qu e caos, provoca pa e lucha di poder, ta creciendo y mientras qu ketu bai tin noticianan di choquenancarnisa entre partidarianan y opositornan di Mao Tse Tung den e ciudadnan Shanghai y Canton.

E corant "Hong Kong Times"

-- qu ta sali publica na ingles -- a cita declaracionnan qu a ser hasi pa viaheronan qu recientemente a yega for di China Comunista, y a scirbi qu tabatin luchanan frecuente entre e hoben fanaticonan Guardia Roja y e obreronan den e dos ciudadnan mas grandi di e pais.

Otro noticianan cu a ser publica na Hong Kong ta indica qu tabatin hopi borchie na Pekin den cual nan ta bisa qu Lin ta un capitalista qu ta ser alimenta door

di Partido Nacionalista Chino y qu e no tin capacidad di bira e sucesor di Mao y por cierto e no ta e homber capacita pa dirigi e pais.

Un otro borchie ta bisa qu "pa salba China, mester derroca Lin", Segun e viaheronan, miembronan

di Guardia Roja, furioso, tabata rancia tur e borchienan aki asina qu nan a mira nan.

Segun informacionnan qu a ser transmiti door di Radio di Japon, Lin a declara recientemente pa e comite di defensa di Partido comunista qu nan ta den un guerra total awor aki.

E noticianan Japonese ta bisa tambe qu Lin, quende no a presenta den publico durante e ultimo simannan, recientemente a ataca e vice promer minister Ho Lung fuertemente, bisando qu e ta un pistolero ambicioso qu a extende su influencia paden y pafor di ehercito.

### FALLO DI CORTE NA FAVOR DI PINILLAS A SER SUSPENDE

BOGOTA--UPI--Nan a dicidi na suspende e fallo di e tribunal superior qu a restableci e derechonon politico y civil di ex-dictador colombiano Gustavo Rojas Pinilla.

Fiscal di e tribunal superior di Bogota a pidi e reposicion di e fallo, mientras qu na Plaza Bolivar e ex-general Rojas Pinillas tabata ricibi un manifestacion di su sigidornan pa fe-

licitele pa motibu di a recupera su derechonon pa por participa den bida publica.

Senado di Colombia den un sentencia perpetua a priva Rojas di su derechonon politico y tur esnan di un civil normal manera esunnan di ricibi pensioen di ex presidente y di general cu pensioen.

Rojas a anuncia qu elo inscribi su nombre como candidato

den e camara di representante den e eleccionnan di proximo aña. Algun observadornan politico a predici qu e por sali eligi tambe.

E ex-dictador e inspirador di e Movimiento Alianza Nacional Popular (ANAPO) lo por asisti Camara Baja si e recurso di e fiscal, qu ta traha na number di e sociedad, no ser acepta, y e sentencia debilbele su derechonon politica keda confirmá.

## EXPERIMENTO PA CONGELA UN MORTO Y DESPUES REVIVELE DEN FUTURO

PHOENIX -- Arizona --UPI -- E siman aki nan lo pone promer paso pa realisa un experimento destiná na revivi "aki poco tempo den futuro" e cadaver di un Californiano, victima di cancer, y quende lo ser hinká den un caha di heru, cu nan lo mantene riba un temperatura di 220 grado bajo di cero.

Segun nan a informa, e cadaver di dokter James Bedford, profesor retirá di psicología, di Universidad di Glendale, quende a

fallece dia 12 di e luna aki na edad di 73 anja, lo ser utilizá pa e experimento aki.

E experimento ta na cargo di e sociedad Crionologica di California cu ta realizando estudionan riba efecto cu temperaturanan frieuw tin riba sernan humano.

Dia cu nan descubri un droga of metodo pa cura, cancer, nan lo trece cadaver di e profesor riba un temperatura normal y nan lo trata di bolbe revivele.

E capsula di heru a ser diseñá

door di Edward Hope, di 46 anja di edad, ex donjo di un cabaret y petrolero, quende actualmente ta dedica su mes na fabrica peluca.

Presidente di e sociedad, Robert Nelson, a declara cu curpa di e profesor a cuminsa hanja respiracion artificial mesora cu el a muri y promer cu nan a hinkale den e caha di heru, nan a practica masashi di curason riba dje, pa mantene su cerebro na bida.

Promer cu nan a "vries" e cadaver, nan a reemplaza tur sanger cu un liquido refrigerador y nan a fura e curpa cu papel di aluminium, y despues a yena e capsula cu nitrogeno liquido.

Un otro experimentador di Detroit, a expresa cu e tin confianza cu e profesor lo bolbe reviva ora cu ciencia descubri un remedi efectivo contra cancer.

Robert C. Ettinger, profesor di e facultad di Fisica na Detroit

a declara cu tin bon motibu pa kere cu mayor parti di e celuknan di cadaver di Bedford lo keda na bida y cu esaki ta base di e experimento.

Ettinger, quende a contribui na e estudio riba e teoria Crionologica pa eventual resurreccion: a declara cu e tin hopi confianza riba resultado di e experimento, pa cual Bedford a presta su mes voluntariamente. Na tur Hope a traha ocho di e "termen" aki.



Dia Viernes promer minister Dr. Efraim Jonckheer, acompaña pa su senjora a yega Corsouw, procedente di New York caminda el a keda dos dia despues di a sali for di Hulanda, caminda el a caba di firma pa Antillas hanja 240 million florin serca gobierno Hulandes. Na su yegada e anochi el tabatin un multitud pa ricibi nos promer minister y na man drechi nos por mira e Reina di Hubentud Democratico, senjorita

Maura Jansen entregando senjora Jonckheer un bouquet di flor mientras cu na man robes un delegacion di Hubentud Democratico ta saludando Dr. Jonckheer. Tabata presente tambe e mes nochi gobernador Mr. N. Debrot y ministernan di gobierno Central.





## Bataya di Television

Pa Dick Kleiner.

HOLLYWOOD (NEA) -- Lo ta bai tin un grandioso batalle di television durante di e segundo parti di e temporada actual. Ta bai ta e guerra entre Nice y Terrific y tin hopi placa involvi den e asunto aki.

Pa un coincidencia, 2 diferente estacion di television a hanja e mesun idea brillante, creativo y original di trece un figura cu lo ridiculisa Batman. Den pasado caba nos por a weta e show "Get Smart" cu tabata un intento pa ridiculisa e show "Man from UNCLE". Awor ta bini e comedianan di Batman, CBS ta jama su estrella Mr. Terrific y NBC ta jama su creacion Captain Nice.

Ningun di e dos estacion nan di television kier bisa cu e otro a copie. Y probablemente Buck Henry, e homber tras di Captain Nice, tin rason ora cu e bisa cu e idea ta asina bieuw cu tur hende lo por a bini cu ne. Testa e otro estacion di television.

"Pero," Henry ta agrega, "si mi tabata sa tocante di Mr. Terrific lo mi no a traha Captain Nice".

Tin algun diferencia entre e Captain y e Mr. No diferencia grandi, pero probablemente suficiente pa pone cu lo bo por distingui e dos heroenan.

Captain Nice ta un homber entre 40 pa 50 anja cu bon manera (Bill Daniels).

Mr. Terrific ta un homber cu bon manera (Stephen Strimpell). Nice ta bira un ser super humano ora cu e guli un liquido. Terrific ta bira un ser super humano ora e guli un pilchi.

Nice ta bisti un uniform corra blancu y blauw pa e por haci su actonnan super humano aden. Terrific ta bisti un uniform color di plata pa haci su actonnan super humano aden.

Nice ta bula door di aire cu facilidad. Terrific mester move su mannan di ariba pabow pa e por crusa den atmosfera. Nice supodernan super ta dura pa semper. Terrific su podernan super ta dura solamente un ora cu 20 minut.

Tur e dos estrellanan den e comedia aki ta bon tercio -- mihor bo bisa masha bon tercio, mas mihor ainda nan ta fantasticamente bon tercio. Bill Daniels ta un actor di primera na Broadway y e ta bai haci su debut na television sin ningun sorto di preocupacion.

"Nos ta bai huur un cas aki na Los Angeles", e ta bisa. "Nos lo bai huur tur cos testa e sarbetenanto di mesa. Mi ta considera asunto aki como un kelru di 13 siman na Los Angeles - si e resulta, bon; si e no resulta, tambe ta bon. Mi tabata tin un carera prome cu Captain Nice y lo mi

tin un carera despues di Captain Nice".

Stephen Strimpell ta un hoben abogado cu nunca no a practica ley, pero a bira un actor en ves. Ela actua den algun obra di Shakespeare na Stardford den estado di Connecticut y tambe den diferente obra cu a ser presentada off Broadway.

Naturalmente, e ta spera di tin exito, pero e tampoco no ta ponhenter su futuro den resultado di un show. Te awor, e ta gosando e kos un mundu - cu excepcion di e encenanan caminda e mester bula. E ta haci tur esakinan huntu.

"Nan ta hinkami den un sorto di aparato", e ta bisa. "Cu mi no sa ta ken demojo a inventa".


Un di e atraccion especial di Captain Nice ta e mucha muher cu ta su ajudante. Mi tabata wantando e durante di filmacion di algun di e encenanan. Ma puntra Buck Henry ta ken e tabata ta. Ela hari.

"Tempu cu nos tabata principia e show", ela bisa, "ma fada, di tur e mucha muher blond estúpido cu nan tabata manda pami. Ma bisa cu mi tabata kier un otro. Paula Prentiss. Ma bisanan pa busca Paula Prentiss pa mi. Un di nan a mandami e mucha muher aki -- e ta Paula Prentiss su ruman muher, Ann.



## Con un patient ta yuda su dokter

Pa: Dr. A.J. Samander.



Den Corte un testigu tin e oblogacion di "papia la berdad, totalmente y nada otro sino la berdad". Talbes lo no ta un mal idea si un patient hasi maske ta mitar di esaki den oficina di un dokter.

No qu patientnan ta gaña, pasobra pa gaña bo mester ta nengando di bisa berdad cu tur bo cinco tinunan. Sinembargo tin hopi patient qu ta keriendo sinceramente qu e ta contando berdad; siendo qu realmente e ta tratando solamente. E siguiente diagram y discusion lo splica e gran importancia di un relato honesto di un patient den oficina di dokter.

**GALBLAAS:** E galblaas ta keda net pabao di bo higrá. Un ataque tipico di galblaas lo produci dolor den e area qu e ta y tambe den bo scouder drechi of na punta di bo blaadchi di scouder drechi. Sinembargo, un ataque extraordinario por produci dolor den area di bo stoma (mira e diagram) of banda di bo curason. Asina ta cu tin biaha un ataque di galblaas ta parse un ataque di curason.....

**ULCERA (Maagzweer):** E diagram ta mustra caminda mayoria di ulceranan sa forma. Un ataque tipico ta manifesta su mes cu dolor den e area dulcera y generalmente e ta skerpi y molestoso. Si e ulcera haña un buracu o por provoca un appendicitis acute; of pneumonia den base di e pulmon drechi por simula appendicitis. (Esaki ta splica di con un dokter ta examina bo pulmon miehras qu bo ta insisti qu e dolor ta den bo stoma.

**PANCREAS:** E dolor tipico den pancreas bo ta sintiele net den bom di bo stoma y e ta hasi mescos qu e ta bai pasa door di bo lomba, mientras qu generalmente, pero no semper, bo ta arroja. Sinembargo, atrobe nos ta haña qu dolor di gastritis acute of ulcera perfora ta casi mesun cos ...

**APPENDICITIS:** E dolor tipico di appendicitis ta cuminsa banda di bo stoma y despues ta bai concentra caminda e appendix ta keda. Hopi biaha bo ta sinti marea y bo ta arroja. Depende caminda punta di e appendix ta of con largu e ta, tin biaha por parse qu bo ta sufri di dolor na bo galblaas of dolor di un tripa grandi robes inflamá.

Bo a keda confuso? Toch no. Bo dokter, cu ayudo di hopi test di laboratorio qu e tin na su disposicion-- y pasenshi di bo parti-- por dicta un diagnosis rapido generalmente. E casonan arriba ta solamente algun di e problemanan qu bo dokter ta enfrenta ora bo yega serca dje bisando:

"Dokter mi stoma, ta molestia mi. Kiko bo ta kere mi tin?"  
"Wel, laga mi mira ....."

Nos kier a recorda nos lectornan qu nos columnista Dr. A.J. Samander no solamente ta duna nos lectornan conseho con nan por keda bon di salud y kiko nan mester haci ora nan sinti algu, sino qu tambe e kier contesta preguntanan individual den e columna aki. Talbes cualquier persona tin un of otro pregunta, pero no kier pa su number ser publica. Nos ta compronde esaki, perfectamente y ta pesel si hasi un pregunta por firmele tambe cu un pseudonimo, por ehempel A.K. of Cowboy, por ehempel. Nos ta spera riba e cartanan.



## COMUNISTANAN JAPONES KIER TRATA DI DANJA RELACIONAN ENTRE MERCA Y JAPON

pa; Ray Cromley.

TOKIO (NEA)--E partido comunista Japonés, cu ta un partido chikitu pero vigoroso ta planeando su maniobranan y preparando pa haci un intento pa jega na poder na 1970.

Na e anja ei, ta sigur cu e comunista y socialistanan Japonés lo haci e renovacion di e tratado entre Merca y Japon un objeto politico principal.

E batalla pa e pacto di seguridad na 1970 lo duna e comunistanan oportunidad di busca lidernan den un movimiento di un fuente un cu lo tini como objeto pa tumba e actual gobierno conservador y reemplacé cu un coalicion izquierdista.

Prome Ministro Nobusuke Kishi y mayoria di su gabinete a renuncia na juni, 1960, despues cu gruponan izquierdista y neutral a lanta un oposicion fuerte contra di e intencionan di su gobierno pa ratifica e acuerdo di seguridad entre Merca y Japon na principio di e anja aja.

Tin un sentimiento fuerte contra di guerra den hopi grupo Japonés. E tratado di seguridad aki ta haci posibel cu Estados Unidos por tini forsan militar na Japon.

E comunistanan ta spera di por pone un gran numero di Japonés kere cu stacionamento di trupanan Americano na Japon no kier min cu Japon lo ser hinká den un otro guerra.

Nan ta spera cu pa via di un intento di propaganda emocional y tambe pa via di un coalicion cu hopi otro partido no-comunista, nan por jega na tumba e actual gobierno cu ta pro-comercio pro-gobierno Americano y tambe

pro-continuacion di e trato di seguridad.

E objeto aki tambe ta splica pakiko partidocomunista Japonés recientemente a kibra cu China Comunista, aunque cu lidernan comunista Japonés ta sinti hopi simpatia pa Peking.

Ta simplemente un disunion pa via di tactica. Si partido comunista Japonés sigui e linea violente di Peking, lo e isola su mes for di grupo izquierdista no-comunista y asina perde e oportunidad di jega na poder na 1970.

E lider comunista Japonés Nozaka Sanzo a dicidi tambe cu mester jega un fin na e hecho di sigul of e linea di Moskow of Peking.

Pa via di mester a obedecé un di e centronan aki den pasado, partido comunista Japonés no tabata por a acustá na e oportunidadnan local y asina a haci posibel cu e socialistanan a captura e liderato di e izquierdistanan Japonés.

Na 1949, 35 comunista a ser eligi na e congreso di Japon. Na 1950, e lidernan internacional di comunismo a ataca e sistema pasifico pa via di cual e comunistanan Japonés a gana tereno. Partido comunista Japonés a obedecé e cambio di tactica cu a ser ordena di estranjero. Ela cuminsa cu atacenan violento. Esaki a antagonisa e pueblo Japonés. Den e paar di anjanan despues e comunistanan a perde tur nan asientonan den Diet (parlamento Japonés).

Recientemente, Nozaka y e comunistanan ta vrij cu tactica nobo. E resultado nan ta fantastico.

Den e ultimo 2 anjanan, e cantidad di miembro di partido comunista a aumenta di 100,000 pa 200,000. Gruponan di comunista ta hoben a aumenta di 90,000 miembro pa 180,000 miembro. Mas di un million Japonés ta aboná riba e corant comunista Bandera Roja.

Den e ultimo 2 eleccionnan e comunistanan a hanja entre 1.7 million y 2.6 million voto. Nan tin actualmente 5 asiento den Camara Baja y 4 den Camara Alta.


E partido ta ejercé un influencia den politica Japonés cu proporcionalmente ta mucho mas grandi cu su tamajo.

Hopi di su punto di vistanan manera oposicion na armanan nuclear y antipatia pa basenan Mericano na Japon, ta cuadrá cu e tendencia pasifista di e pais despues di segundo guerra mundial.


E teorianan di Marx y Lenin ta ser acepta pa un numero considerable di intelectual y politicanan no-comunista izquierdista.

Partido comunista Japonés a infiltrá tambe den hopi school y universidad. E crecimiento di partido comunista Japonés lo por trece en peliger e relacionnan entre Merca y Japon y evita Japon di bira un lider fuerte pa libertad na Asia. Un front fuerte comunista socialista lo por reduci e actonnan positivo di e actual gobierno conservador, aunque si e conservadornan permanece na poder despues di eleccion.

Estados Unidos mester presta awor tur sorto di ayudo y cooperacion na e gobierno di Japon pa evita cu esaki por sosode na 1970.



**Tabaco...  
FINO!  
Humada...  
PURO!**



**CASINO  
CHARCOAL FILTER**



# PAGINA DEPORTIVA

PRESENTA

PA:



## Santo Domingo a gana Amstel den prome wega di serie

WILLEMSTAD -- Den Stadion di Rif, ayera nochi, tabatin e prome wega di un serie di tres, entre e seleccion di San Pedro de Macoris, Sto. Domingo y e cerveceronan di Amstel. E dominicanonan no tabatin hopi dificultad pa supera e muchanan di Amstel cu score di 9-7. Un publico basta grandi tabata testigo di e bon wega di e dominicanonan, no obstante nan a comete e cantidad grandi di 8 error. Awe nochi nan lo hunga contra Santa Rosa Indians mientras cu majan mainta e equipo aki lo midi su forsa cu e doble campeonnan Firestone.

A sosode hopi cos, prome cu e partido a cuminsa. E huespednan a cuminsa cu presenta laat na terreno. Informacionnan hasi a muestra cu e deportistanan a yega den oranan laat na aeropuerto, pero esaki no tabata turcos, ya cu casi mitar di e hungadornan no a bini den e prome avion. E segundo avion den cual tabatin un grupo di diesun tabata señalá pa yega mitar di diesun.

E hungadornan y tambe representantenan di e equipo, a keda varios ratu ta cana bai bini dilanti di tribuna di honor, sin ningun representante di Bond local.

Un di e personanan cu tabata presente di parti di Amstel tabata Kilin Wilsoe cu a yuda e dominicanonan y despues a presenta a Ciró Peloz, di parti di CBA.

E hungadornan dominicano mes a cuminsa bini mitar di nuebe y tabata hasi practica den nan dugout. Nuebe or ainda tabatin poco problema pa cuminsa e wega cu manager di Sto. Domingo tabata exigi un cuarto di ora pa pitcherman caliente. Cuarto pasa di nuebe por fin, e wega por a cuminsa, bao di direccion di umpire Ernest Smith, yuda na base pa Eddie Martina, Ruben Phillips, Donny Trinidad y den outfield Eddie Finles.

E dominicanonan ta cuminsa masha bon y ta tuma ventaha di 1-0 despues di dos out. Valdes ta conecta triple den rightfield, pa Pavellano cu tabata na primera base riba base por bola anota.

Den e segundo inning e equipo dominicano cu a demostra bon wega di fielding y bateo ta aumenta nan ventaha na cuater ceros.

Julio Garcia ta habri e inning cu doblete, Sigi pa base por bola pa Alcantarra un wild pitch ta permiti e corredornan avansar, mientras cu un balk ta produci e segundo carreda. Alfonso Sulbaran ta drenta pa Lefty Francisca y ta enfrenta e pitcher Gonzalez cu ta sacrifica pa un carreda. 3-0. Pavellano ta pega fly di sacrificio den outfield pa empuha e cuarto carreda di wega. Linares ta conecta hit, mientras Reyes ta bira e tercer out cu rolling den man di pitcher.

Amstel den su segundo oportunidad na bate ta logra pone su prome homer na base, pero toch no ta logra conecta hit ni tampoco a anota carreda.

E dominicanonan ta mira oportunidad pa hasi nan ventaha 5-0. Valdes ta habri cu su segundo

triple e anochi aki, pa despues e anota cu robo de base.

Amstel den tercer inning ta fayá pa conecta su prome hit, mientras Santo Domingo ta amplia nan ventaha na 6-0.

Linares ta pega triple cu dos out pa despues anota riba singel di Reyes.

Ningun di e dos equiponan no ta marca carreda den nan siguiente turno na bate.

Den ciervo di quinto inning Amstel ta logra kibra cadena di cero cu e pitcher dominicano Juvenal Gonzalez tabata coloca riba scoreboard.

Wilson Obispo ta enbase riba error di e tercor base Linares. Juan Fornerino cu a brilla den fielding ayera nochi, ta pega e prome hit, pa kibra e speranza di Gonzalez di tira un no-hitter.

Harold Oehlers ta enbase riba error di segunda base, Freddy Martina ta bati hit y error empuhando e prome carreda di e equipo cervecero. Un error ta percura pa dos carreda mas y score ta bira 3-6. Bambino Juliana ta ricibi cuater bola y Gilbert Naaldijk ta bati fielders Saleme ta hanja cuater bola, Gonzalez ta sacrifica pa manda Saleme segunda. Pavellano ta bati fielders choice y riba error di tercera base e corredornan ta avansa. Linares ta bati roletaso pitcher, door di cual un carreda ta anota. Reyes ta conecta doblete pa un otro carreda. Riba error den infield e ultimo carreda di e dominicanonan ta ser anota.

Errol Suarez ta drenta den sexto inning na lugar di Alfonso Sulvaran y ta domina e bateador-

nan pa restu di e wega.

Den e siguiente inningnan Amstel no ta hasi nada, sino solamente den e ultimo (octavo). Sanchez ta yega primera cu cuater bola, Suarez ta yega safe riba mal tiru di pitcher. Wilson Obispo ta bati fielder choice y riba otro error un carreda ta anota. 5-9. Enchi Jansen ta drenta di emergente pa Juan Fornerino y ta bati rolling pa tercera empuhando e sexto carreda.

Harold Oehlers ta conecta hit pa e ultimo carreda di Amstel ser anota.

Prome cu e partido a cuminsa e dos equiponan a bai para dilanti otro pa saludo y conoce otro. E madrina di Amstel srta. Claudette Maduro ta hasi entrega di un bouquet di flor na un di e oficialnan di Santo Domingo, como e parti inaugural di e serie. E delegacion dominicano a bini den dos avion, y ta yega na e total di 82 persona, cu ta ser presidi pa Johnny Hazim.

Awe nochi 8<sup>or</sup> e dominicanonan ta subi terreno pa nan segundo wega y nan lo enfrenta Santa Rosa Indians, subcampeon di Corsow. Nos a ser informa cu pitcher di Indians pa awe nochi lo ta nada menos cu Sam Jacobs, cu den un ocasion anterior na Aruba a gana di e mesun equipo aki.

Sam tabata e pitcher pa Heineken, dia e team dominicano a hunga un serie di tres wega na Aruba, garando dos y perdiendo uno. Majan mainta e dominicanonan lo enfrenta e doble campeonnan di Corsow, Firestone.

Un cos cu nos por bisa ta cu e dominicanonan a demostra un bon wega, tanto den fielding como den bateo. Tur e bateador nan mishi cu e bala, mientras cu nan tin un habilidad extra-ordinario pa handle e bala den terreno.

E equipo aki ta seleccion di e barío San Pedro de Macoris, Aja nan ta hunga bao di e number Habon Hispano. E integrante nan su edad ta varia di 17 pa 25 anja.

Na Aruba nan a hunga tres wega recientemente, gana dos y perde uno.

Tambe nos a ser informa cu esaki no ta e seleccion mas fuerte di Santo Domingo.

## "CONFESION" NA MACAO

MACAO --UPI-- Fuentenan izquierdista a bisa cu e negociadornan chino y portugues a prepara un "confesion" pe colonia Macao respecto e mortonan di ocho mucha durante e disturbionan pro-comunista luna pasá.

E fuentenan a bisa cu e "confesion" cuidadosamente redacta ta referi ne incidente bisando cu e ocho muchanan a ser "tira mata" pa polisnan di Macao y trupanan portugues.

Nan a agrega cu e version aki lo ser acepta a pesar di exigencianan previo di e chinonan comunista di cu nan ta califica e mortonan como "asesinatonan" pa parti di "asesinonan" portugues. E fuentenan cu a bisa tin con-

tactonan cu funcionarionan comunista na China, a bisa cu e negociadornan cu a actua na nomber di Jose Nobre de Carvalho, gobernador portugues di Macao a entrega e redaccion di e "confesion" na funcionarionan di Kwangtung, e provincia continental fronteriza di e colonia aki banda di Honk Kong.

E aceptacion di e redaccion supuestamente lo satisfice e ultimo demanda importante di e comunistanan chino pa solucion e situacion explosiva cu a causa huida di mas di 3 mil habitante di Macao pe colonia britanica di Hong Kong.

## REACCION DESPUES DI ESTUDIANTENAN

SANTO DOMINGO--UPI--Presidente Joaquin Balaguer a reacciona riba e di 12 dia di e wega estudiantil bisando di lo no debilita e ejecucion di secretaria di educacion y bellas artes.

Den loke nan ta kere ta un voto di confianza ne secretario Victor Hidalgo Justo--quende su destitucion ta ser pidi pa parti di e meneernan di school y estudiantenan -- Balaguer a splica qu e Gobierno "lo no acepta ningun imposicion qu ta stroba e derecho pa eleccion liber di su colaboradornan".

Ela califica e peticionnan cu ta ser hasi pa destitui Hidalgo como "caprichoso" y inaceptable" y tambe nan ta trata na suprimi polisnan escolar. Ela ripiti cu den e wega estudiantil "tin consignanan politico".

E presidente, di otro banda a bisa di ta dispuesto na papia cu oposicion "pa mantene conveniencia nacional". Balaguer a responde asina un sugestion di e corant "La Informacion" di Santiago.

"Gobierno", asina ela muestra, "ta den e mho disposicion pa acepta e cooperacion di diferente sectornan di opinion politica nacional dentro di e mayor respect e ideologia pa cada un di e representantenan di oposicion."

Ela afirma cu su regimen "a habri e portanan di administracion publica pa personalidadnan politica mas destaca di e diferente partidonan."

Balaguer a bisa di ta sinti "optimismo pa cu futuro economico di e pais. Ela indica cu a

medida cu e situacion drecha "lo tin mas fuentenan di trabao."

"Loke Gobierno no a hasi ni lo hasi tampoco", asina ela bisa ta "crea fuentenan di trabao artificial pa inverti e fondonan di publico den obranan cu no ta positivo pa e pais."

Di otro banda di su declaracionnan, e presidente a pidi justicia "pa cai cu tur peso di ley" riba un ex-consul di Puerto Principe quende a ser detene ora cu e tabata trata na introduci contrabando den Elias Pina, un poblacion banda di Haiti, Carlos

Garcia Mendieta, quende a ser destitui pe presidente, ta detene na Haiti ora cu ela ser detene na momentonan cu e tabata tin den su poder millares di camisa, panja di tela, repa interior di muher, mefia y mas o menos 200 carton di sigaria norteamericano.

Autoridadnan a kita dos auto for di e ex-consul den cual e tabata transporta e mercancia.

## Presidente di China ta virtualmente un preso

HONG KONG--UPI--Fuentenan di e servicio di inteligencia den e colonia britanica aki a informa qu presidente Liu Shao Chi di China Comunista aparentemente ta virtualmente prisionero den e sector tur na muraya di Pekin na unda e funcionarionan hal tu di e regimen ta biba.

E mesun fuentenan ta considera improbable qu Liu por a hui for di e capital, manera e corant nan local a informa pa dirigi su mes den interior di China Comunista den oposicion ne maximo lider Mao Tse Tung.

Liu no a cumpli ningun funcioi significativo como hefe di estado for di July 1966 y tampoco a ser mira den publico for di dia 12 di november di e mesun aña.

Aunke nan no ta duna suerencia como sigur e servicionan secreto ta kere cu e presidente chino ta bao di detencion domiciliaria, tal bes fuertemente vigilada, dentro di e cas grandi di Chung Nah Hai na unda e diri-

gentenan di Partido Comunista y di Gobierno ta biba.

No obstante, aunke su poder nan a ser severamente restringi, e fuentenan a indica qu aparentemente Liu ta sigi gozando di considerable respaldo den e Partido, ejercito Popular organimonan di estado y organisacionnan obreril.

Otro acontecimiento qu a tuma lugar den e situacion chino tabata e siguiente nan:

--E agencia noticioso japonés Kyodo a informa den un noticia di Pekin di qu e comite di Partido Comunista den e capital aki a ser "tuma" pe maoistanan y a pone esaki bao di un control di e comite di e organizacion revolucionario qu ta responde e lider maximo.

--Radio Pekin, qu tambe ta ser controla pa Mao, a revela qu un vicecalde mester responde acusacionnan di a trata na sabotea e depuracion qu e revolucion cul tural a trese cu n'e.



# Inocencia y horror na Vietnam



Durante e operacion severo qu tropanan aliado na Vietnam a bini ta hiba a cabo den e ultimo dianan aki den Delta di Mekong, nan a evacua tur hende. Aki un mucha chikitu ta hunga contentu cu dede di un wela bieuw riba quende su cara e horror di guerra ta ser refleja. - UPI Radiophoto. -

# MERCA TA FORMANDO RESERVA NA TAILANDIA

BANGKOK--UPI--Estados Unidos a reconoce awe oficialmente qu, tal como tabatin rumor nan ta corre foi di tres aña pasá, trupanan norteamericano ta formando basenan na Tailandia den nan participacion ne guerra di Vietnam.

Embajador Graham Martin a revela tambe, den un discurso qu ela pronuncia dilanti di Camara norteamericano di Comercio, qu e tripulacionnan di helicopte-

nan norteamericano qu actualmente ta hibando trupanan tailandes pa bringa contra e guerrilleronan comunista den e parti noord di e pais, tabata destina, pa otro mision. Nan no a bisa, sinembargo si epilotonan lo tabata ser traslada for di Tailandia.

E diplomatico norteamericano a formula e declaracionnan aki papiando riba e uso di basenan tailandes den e guerra di Vietnam, den referencia ne alianza

di su pais cu Tailandia den e lucha contra e amenaza comunista den e parti Sudeste di Asia.

--Manera boso sa-- asina ela bisa Gobierno real di Tailandia a permiti e uso di su basenan pa parti di elementonan di forsan arma di Estados Unidos qu ta luchando pa trese medida nan defensiva di acuerdo cu terminonan di e tratado di e organizacion di e Tratado di Asia Sudoriental...

"E basenan aki na Korat, Ubol, Hakernaphonam, Uborn, Taklihi y Uptao, tabata un contribucion substancial ne esfuerzo belico aliado y a cumpli un papel critico den e defensa di Asia Sudeste."

# Charla di Gezaghebber dia a dia razon awor

Segun nos a ser informa door di Servicio Informativo di Gobierno Insular di Bonaire dia razon awor den programa semanal 7.15 Sr. Morkos lo dirigi palabra na pueblo di Bonaire tanto den idioma hulandes como papiamento, envista di entrego di

cedula, tambe llama kaarchi di identidad, na tur persona cu ta biba na Bonaire di 14 aña di edad pa riba.

Huntu cu e trabao di entrego di cedula lo tuma lugar un investigacion tocante e topico di empleo riba Bonaire.



# Yamamentu di Mansfield riba congreso chileno

WASHINGTON -- UPI -- Senador Mike Mansfield, presidente di e bloque mayoritario den Camara Alta, a hasi un yamamentu na Congreso chileno pa bolbe trata su decision y autoriza presidente Eduardo Frei pa realiza su bishita oficial na Washington.

Den un yamamentu na e senador nan chileno cu a rechaza e peticion di Frei, e legislador demócrata a afirma cu "tur e pro

blemanan di e relacionnan chileno---norteamericano por ser soluciona cu honradez y pasenshi. Pero ningun por keda resolvé si nos bira lomba pa otro.

Na su turno e presidente di e bloque republicano Everett M. Dirksen a declara cu "ta extraordinariamente stranjo cu un ramo ( Di Gobierno) lo por veta otro ramo. ...."

E senadornan republicano George D. Aiken y Jacob K. Javits a bai di acuerdo cu otro cu e decision di nan coleganan chileno ta un cuestion di politica interno.

Javits, sinembargo, a apoya e yamamentu di Mansfield, mustrandando riba e hecho cu e decision di congreso chileno lo por a ser interpreta akina "como cierto reserva riba si Frei lo mester tene entrevista na Estados Unidos."

Mansfield a expresa su pesar pasobra e voto di senado "a ser interpreta generalmente como expresion di antagonismo pa cu Estados Unidos" y a agrega:

"Mi ta spera cu lo no ta asina. Cualquier sea cu e dificultadnan ta cu lo por tin den e relacionnan chileno-norteamericano lo ta difícil cu nan por ser regla indirectamente, pa medio di expresionnan di desagrado of hostilidad."

LA PAZ--UPI--Nan a informa qu un grupo di estudiantenan universitario na Cochabamba a ataca e oficinanan di e consulado norteamericano, e cuerpo di paz y e servicio di informacion di Estados Unidos kibrandoglasnan di bentana y ocasionando heridanen na un empleado boliviano.

E alumnonan tabata protesta e apertura di e universidadnan priva. Gobierno, en vista di e violencia, a ordena detencion di varios dirigentenan oposicionista, entre cual e vicepresidente nanurlo Chavez y e ex-dirigente minero Mario Torres.

# FREI A DECLARA CU TE AINDA E POR BAI MERCA

SANTIAGO DE CHILE -- UPI -- Presidente Eduardo Frei a declara ayera nochi, despues di firma un proyecto di ley cu ta cambia constitucion y ta permiti ele habri congreso for di otro, cu te ainda tin posibilidad di cu e lo baha pa Estados Unidos na fin di januari.

Pero ora cu un periodista a bisese cu un noticia for di Washington di un agencia di noticia ta cita fuentenan di Casa Blanca den sentido di cu aya nan ta ke re cu te ainda e posibilidad a keda habri pe viaje, e mandatario a comenta;

" E posibilidad ey ta existi y, por lo menos den orden constitucional, mi ta spera cu esey lo ta e caso ". E mensaje di Frei den cual e ta pidi permit awor ta den Camara di Diputadonan na unda su partido demócrata cristian tin 82 di e 142 asiento nan.

Ora cu esaki ser aproba pe diputadonan, e mester bai den Senado bek den e di tres tramite constitucional. Si Camara Alta bolbe rechazele e mensaje lo bai Camara di Diputadonan atrobe.

En total, e mensaje mester cumpli cu cinco tramite constitucional y den e ultimo e diputadonan mester reuni dos tercio di e votonan pa aprobalo y inpone su criterio riba Senado.

Senado, cu ta ser controla pa e opositornan comunista, socialista, radical y derechistanan, a nenga na cuminsamentu di siman cu 23 contra 15 voto permit na senyor Frei pa e sali for di e pais. E mandatario a ser invita pa parti di presidente Lyndon Johnson pa bishita Washington, New York, y Boston.

"Ta depende di Congreso", asina Frei a responde ora cu nan a puntrele si te ainda e ta pensa na bai Estados Unidos.

Ela nenga na responde otro consultanan despues di e ceremonia den e palacio di Gobierno den cual ela firma e proyecto di reforma constitucional.

Riba e foto aki nos por mira un carne y cu si nos waak bon e falta e pia derecho pa dilanti.

E carne aki a nace cu solamente tres pia y manera nos nos por a presencia ta haci tur cos mescos cu un carne normal cu cuater pia.

E carne tini dos luna di edad y ta pertenece na Plantage "Santa Cruz" di Sr. Martinus Winklaar.

Di su parti, e embajador di Estados Unidos, Douglas Henderson, a presenta un protesta formal ne cancelleria pa e hecho nan qu a tuma lugar y a pidi un indemnizacion ne embajada norteamericano pe dafonan qu a ser causá.

E detenidonan a ser castiga y manda den diferente partinan interior di e pais, di acuerdo cu e disposicionnan di un yamada ley di "Seguridad di Estados."

Gobierno a denuncia e agitacion universitario qu ta forma parti di un plan subversivo, cual a wordu elabora pa partidonan extremista y a bisa di lo tuma medida nan energico pa war-

## PERISCOPIO MUNDIAL

### Bringamentu den cayahan di Brisbane

BRISBANE, Australia -- Tabatin bringamentu den cayanan di e ciudad australiano importante aki ayera nochi ora qu manifestantenan na fabor y contra di prome ministro Nguyen Cao Ky di Vietnam del Sur a sali pa ricibiele. Por lo menos 700 manifestante di tur e dos bandanan a reuni dilanti di e tribunal supremo di Queensland, ne otro banda di Hotel Lennons na unda e gobernante e sudvietnemes, y su comitiva tabata aloja.

### Combersacionnan entre Merca y Rusia

WASHINGTON -- Departamento di estado di Estados Unidos, a revela qu Estados Unidos a cuminsa combersacionnan cu Rusia riba e posibilidad di evita un carrera armamentista nobo den e sistemanan di proyectilnan antiballistico -- y a indica qu e sovieticonan lo por ta interesa.

### Merca ta progresando na Vietnam....

SAIGON -- General Maxwell D. Taylor a declara qu nan ta logrando progreso na Vietnam pero nan no sa "cuantu progreso, y si esaki ta suficiente". E ex-embajador na Saigon a regresa akinan pa realiza un inspeccion di caracter di consejero especial di presidente Johnson. Taylor a bisa na prensa qu su bishita di cinco dia ta spera na informa riba tur e problemanan di Estados Unidos akinan, specialmente referente actividadnan no-militar.

### Presidente Frei a firma proyecto di ley cu lo permitiele manda congreso cts

SANTIAGO DE CHILE -- Presidente Eduardo Frei a declara ayera nochi despues di firma un proyecto di ley qu ta cambia constitucion y ta permitiele habri congreso for di otro, qu te ainda tin posibilidad di qu el biah pa Estados Unidos na fin di januari.

### Dialuna awor fayó contra Der Stern

HAMBURG -- Un tribunal di e ciudad aki a aplaza te dialuna awor e fayó qu lo por duna e revista di Merca, Look un mandamiento pa evita qu e revista aleman Der Stern lo por sigi publica e buki "Morto di un presidente di William Manchester riba e asesinato di e presidente di Merca, John F. Kennedy. Parse qu e abogadoan di e dos revistanan no a yega na un acuerdo cu otro.

### Suerte di Sukarno den man di Parlamento

YAKARTA -- Parlamento indones lo reuni dentro di tres luna pa trata suerte di presidente Sukarno segun nan a informa den e capital aki. E sesion special di mas importante di e podernan politico di e pais a ser convoca mientras e exigencianan di studentenan y militarnan a bolbe resona qu Sukarno mester ser kita for di poder y bisa ki papel ela hunga den e golpe qu a fracasa.

### Sugerencia di Etiopia pa Vietnam

NACIONNAN UNI -- Etiopia a sugeri qu un comite ser forma di paisnan neutral pa bai Vietnam pa discuti cu tur e partinan interesa di e guerra riba e posibilidad di paz huntu cu un stopmentu di e bombardeonan aereo mericano riba Vietnam del Norte.

### Homber fuerte a bai consulta cu lidernan den Kremlin riba conflicto

JERUSALEM -- E homber fuerte di Siria mayor general Salah Jedid, a biah pa Moscu pa discuti cu su aliadonan di Kremlin riba e chokenan den e fronteranan sirio-israeli. Esaki ta e prome viaje qu e ta hasi for di su pais for di despues di e triunfo sangriento den e golpe di februari ultimo. Su gobierno "arabe marxista" a conta cu e apoyo economico y politico di Union Sovietica.

### Papa Paulo Sexto ta verkoud

CIUDAD DEL VATICANO -- Papa Paulo Sexto, quende ta sufrí di un verkoud leve, a suspende e audiencianan priva qu e tabatin sefala pero nan ta kere qu elo reanuda su actividadnan mayan. Un fuente haltu di Vaticano a bisa qu Papa tin unicamente un caso chikito di verkoud y no ta nada serio.

### Gobierno Ingles lo bende Cuba un fabrica

LONDRES -- Gobierno britanico a anuncia di lo apoya venta di un planta di fertilizantenan na Cuba pa un balor di 39 million dollar a pesar di e desaprobacion di Merca y mayoria di paisnan latinoamericano. Tantu Merca como Venezuela inmediatamente a muestra nan oposicion ne transaccion.

### Te ainda pareha millonario no a ser hanja.

SAN JUAN (puerto Rico) -- Servicio norteamericano di guardacosta tabata investiga e rumor di qu un piscador a mira e wiel y e seccion parti atras di avion den laman den e region na unda un avioneta fleta, den cual tabata biah un heredero millonario mericano y su esposa qu a perde diamars anochi. Guardacosta mientras tantu ta continua cu busqueda di e avion.

# ami?



...ami ta gusta!!

# Palm Beach



PALM BEACH ... e sigaria cu su filtro blanco... suavemente mentolisa, i cu un sabor agradable, cu ta donbo un sensacion di frescura den cada humada. PALM BEACH KING SIZE un sigaria distinguido... un sigaria di calidad

FABRICA PA

ANTILLIAANSE SIGARETTENFABRIEK, N.V.

DAVELO ADVERTISING

## HOROSCOPO

Por Carroll Righter

ACIES (mar. 21 a abril 19) Quite del camino rapidamente todo el trabajo que tiene acumulado; entonces la noche sera buena para recrearse con personas que congenien. Evite lo romantico por el momento.

TAURO (abril 20 a mayo 20) Dia ideal para ver a ciertas personas y hacer las cosas para las cuales ha tenido poco tiempo durante la semana de trabajo. Salga socialmente tambien.

GEMINIS (mayo 21 a jun. 20) Cerciorese de llevar a cabo lo que esperan de usted sus superiores, que significan mucho para usted y son importantes para su carrera. Satisfaga a los que le pueden dar un impulso hacia adelante.

CANCER (jun. 21 a jul. 22) Un dia magnifico para salir adonde se presenten nuevas oportunidades, en vez de permanecer sentado en esa silla comoda. Este dispuesto a cooperar con sus nuevos aliados.

LEO (jul. 23 a agt. 22) Averigüe cual es su verdadera posición con los que tienen poder sobre usted, ya sea con respecto a su vida personal o de negocios. Demuestrele a sus buenas amistades que es dedicado. Sea afectuoso.

VIRGO (ago. 23 a sept. 22) Un dia bueno para demostrarle a sus asociados que puede ser y es muy cooperativo y pueden llegar a un buen entendimiento. Se presentan situaciones que le daran la oportunidad de demostrar sus habilidades.

LIBRA (sept. 23 a oct. 22) Este es el dia apropiado para exponer sus talentos ante las personas correctas, puesto que ellas estan de un humor muy receptivo. Cerciorese de hacer cualquier cosa que mejore su salud.

ESCORPION (oct. 23 a nov. 21) Salga y diviertase para que se alivie de varias ansiedades que lo han tenido deprimido. Haga sus citas temprano si quiere estar con personas que congenien. Use su sentido comun.

SAGITARIO (nov. 22 a dic. 21) Si lleva a cabo lo que su familia

ella lo respaldara en sus ideas y proyectos. Sea ingenioso si desea comenzar un ascenso en sus asuntos. Labore con entusiasmo.

CAPRICORNIO (dic. 22 a ene. 19) Cultive la amistad de los que le puedan ayudar en sus obligaciones diarias. Entonces los proyectos nuevos podran manipularse como es debido. Escriba esas cartas importantes. Sea practico.

ACUARIO (ene. 20 a feb. 18) Analice sus pertenencias y vea lo que puede hacer para mejorarlas y aumentarlas. Compre las piezas modernas y los mecanismos que le ayudaran mucho. Vea como puede reducir los gastos dentro del presupuesto.

PISCIS (feb. 19 a mar. 20) Si se pone a tono con las fuerzas astrológicas, se sentirá muy bien y, podrá hacer casi cualquier cosa que se proponga. Comuníquese con personas generalmente difíciles de localizar. Obtenga resultados.

SI SU HIJO NACE HOY ....

Sera uno de esos hombres fascinantes que desde temprano necesitara una ayuda espiritual o filosofica en que apoyarse para poder expresar se adecuadamente.



**BUCHI ROBES**, pa cortesia di **N.V. FATUM Verzekeringsmij.**  
 Tel. 1845 - 1283 pa tur sorto di seguro.



# Landsbesluit riba destruccin di Stichting Rekenentrum y schorsing di e decision pa huur local di Shell

ILLEMSTAD, -- Dia 19 di januari ultimo gobierno Central a publica e Landsbesluit caminda nan ta destrui e decision di Bestuurscollege di Corsouw, mediante cual Stichting Reken Centrum a ser fundado.

Gobernador a destrui e decision aki riba proposicion di gobierno Central despues cu Gezaghebber interino di Corsouw a manda e decision di Bestuurscollege pa Gobierno Central.

Manera ta conoci, Bestuurscol-

legacion di gobierno insular, a laga pasa e akte di fundacion serca notaris Dr. Henriquez, depositando cien florin di gobierno como promer capital di e Stichting.

Gobernador a destrui e decision di Bestuurscollege di Corsouw pasobra na promer lugar e ta contra interes general di Corsouw y na di dos lugar ta contra di reglanan di gobernacion insular pa deposita un suma cu no ta pone riba presupuesto riba

cualkier cuenta sin aprobacion di un reunion publico di Eilandsraad.

Y ta pesey gobernador a destrui e decision di Bestuurscollege, ordenando pa pone e cien florin back den caha di gobierno y pa pone e decision aki na conocimiento di Eilandsraad, Bestuurscollege, Gezaghebber y Dr. E.C. Henriquez, notaris cu a pasa e akte di fundacion.

Den un otro Landsbesluit cu a sali un dia anterior Gobernador a schors tambe e decision di Bestuurscollege pa huur un local di Shell Curacao N.V. y den cual nan tabata bai hinka e computer di IBM pa Rekenentrum.

Tur e dos decisionnan aki a ser tuma door di gobernador riba recomendacion di Gobierno Central, despues di a tende Raad van Advies.

- Nancy Croes, Adela Croes, Jacobo B. Croes; Fam. Croes; Lina Croes; Twina Croes; Children; Croes; Fam. P. Croes; Fam. Croes; Meenchi Croes; Rita Croes; Marianita Croes; Luis Croes.
- D. Thomas Dirksz y fam.; Ruby Dirksz; Ruben Daal; Fam. Damin; Leonie Debrott & Fam.; Nasere Daes; Adolf Donata; Teel Darymple.
- E. Boyce Emil; Tichi Evesfers. F.. Helen Figaroa-Maduro; Franklin D. Frans, (aanget.); Jossy Figaroa; Gladys Francis; Hermeline Francis; Glenda Flanegin; Hubert E. Fernandus; G.. J.D.S. Guilonard (3); Richard Gomez; Twina Geerman, Rafael Geerman; Fam. J. Geurts; Marjam en Snnerikje Groet-Mouthaan Fam. Gomez AR; Mario G. Gonzalez A. Geerman (aanget.); Malcolm Graham; Marcelino Gomez Leo Gregorino; Garage Lacle (3) M.D. Gomez (2)
- H.. S.S. Hentsie; Bill Hubbard; M.R. Heronimo; G.R. Hamilton; J. Hu A Sang; Rafael Hassell (aanget.); Irma Henriquez; Felicia Henriquez; A.A. Henriquez; Bertha Harvey; Herminia Holiday I.. D.C. Isaac; Clemence Isaac J.. Hendrika Jongejan; Fam. Th. de Jong-Dekkers; P. Jules; Adoip Jansen; A. James; Fam. Jacobs; Juan Jacobs.
- K. Marlitz Kuiperi; Fam. Kock Rita Kock; Florencia Koolman; Dina Koolman; Bernadetta Kelly; W. v. der Kuyp-van Ree; F. Kock L.. Edith Lewis; Ivan Logcheni Pedro Lopez; Lake & Fam; Lucila Lopez; R.L. Lampe; Marie Therese Lewis; L. Lacle; Alvaro Garcia Lynn; Vilfise Lauturo; Francisco Lampe; E.E. Lawrence; Albertina Lague. C. v.d. Laar.
- M.. Rene Muller; M. Martinez; E. Maduro; Juanita Maduro; Fam. Maduro; Mario Maduro; Fam. P. Maduro; Norma Maduro; Malita Maduro & Fam.; Emily Mardenborough; Mary Mckdougai; Edna L.G. Mariano; Marcelina Martha (bankboek); Maria Meyering; Jack Mason; Ronda Makaai; A.J. Marin.
- N. Luke Nederhorst (2); Mario Nicolaas; Viveca M. Oduber. O. Catherine Ogario; Andres Orman; Willian Obregon; Neltia Ogisten.
- P. Roza Berta Petero & Fam; Jessoline Petrus; Louise van Putten; Familla Pieters; Francisco Pancho; Hector Peña; A. Perez; Aura Pinkerton; Pedro Paesch; Marlene Paula; Theresita Peña.
- R.. Pedro Ras (2); Casa Rey; Jose Rodriguez; Messrs. Casa Rex; Lixia Ragiste; Tersita Rasmijn; Boy Rietwijk; Roberto Ramirez; Fam. Bouwer-Ritfeld; Joaquin Ras.
- S.. Louis P. Seferina (aanget.); Fam. E. Samson; Hugo Sholz; Imelda Semereel; Imelda Mary Sharpe; Mevr. Schoenmeyer; Franco en Silvano; Julia Stevans Jose Solano; Petra Sanchez; H. Stap; A.J. Simon; R & P. Sinnighi (aanget.) (pp).
- T.. Juan Tromp; D. Tromp; Elvira Tromp; A. Tromp-Tromp Filomena Tromp; Jacenta Tromp Pedro Tromp; Marlin Tromp; Fam. Tromp; Augustin & Fam. Tromp; Francisco Tromp; Fam. Tromp; Juan H. Tromp; Albert Thomas. G eorgia Thomas.
- U. Angelina de Ulich; Fam. C. v. der Vloten-Bruurs.
- V. Fam. Veldboom Gladys (2); Sr. van Vlieg; Rafael Varguez; Luls Varela; Clientes Varios (2) Marcelino Victoria; REVERTO Villamizar;
- W.. Mr. Warren; Apollonia Werleman; Graciela Werleman; Agatha Wicham; Maria Wobb; Fam. William; Fam. Werleman; F.L.M. Wever; J. de Wolff; W. Wever (2); S. Wernet; Lucie Wolff; Wallace V. (3).
- Z. E. Zalm (aanget.).

# Homber fuerte di Siria a bai combersa na Rusia

ERUSALEM --UPI -- E homber fuerte di Siria, mayor general Salah Jedid, a biaha pa Moscu pa discuti cu su aliadonan di Kremlin riba e chokenan den e fronteranan sirio-israeli.

Esaki ta e prome viaje cu e ta asi for di su pais for di desates di e triunfo sangriento den golpe di februari ultimo.

Su Gobierno "arabe marxista" conta cu e apoyo economico y politico di Union Sovietica y su viaje ta ser realiza awor riba invitacion di Partido Comunista Sovietico.

Jedid a hasi e viaje e dia siguiente riba cual e prome ministro israeli Levi Eshkol a informa Gobierno di Estados Unidos cu e agresion di e estado-Nan ta spera cu e hefe di e observadornan di e tregua di Nacionnan Uni mayor general Odd Bull di Noruega pronto lo anuncia fecha riba cual e delegacion

di e comision sirio-israeli di armisticia lo reuni pa discuti riba e disputanan ne frontera, nan arabe specialmente Siria a hasi intolerable.

Den notanan identica cu a ser manda pa Washington y Paris Eshkol a preveni cu paciencia di Israel ta yegando na su fin.

Mientras Jedid tabata dirigi su mes pa Moscu Israel a denuncia e descubrimiento di un mina banda di e frontera sirio y a presenta otro protesta ne comision di tregua di Nacionnan Uni. Un vocero israeli a laga sa cu e mina a ser desmantela na mas o menos 180 meter di e frontera sirio na un kilometer y mei noord di Kfar-Szold. Ela agrega cu esaki mester a ser pone pa patrullanan sirio den e ultimo 24 oranan pasobra diahuebs nan a informa cu e zona tabata limpi di e armanan ey.



Riba e portret aki por mira e partinan marca cualnan ta worde considera como e partinan mas adecuado pa agricultura y ganaderia.

--Ecurstionnan escolar pa punto-nan historico.

--Bishitanan escolar na campamentonan militar barcunan, puestonan fronterizo y schoolnan militar.

--Creacion di consejonan riba instruccion militar y patriotico.

E organo militar a sugeri qu tambe nan ta entrega ne schoolnan equiponan bleuw y uniformanan a fin di estimula e adoctrinamiento.

dad di e Santo Tata a ser duna pe oficina di prensa di Vaticano cu primeramente a bisa cu Papa a cancela su audiencia pa motibu di tabatin otro compromisonan". Mas despues e oficina a confirma e rumornan di cu Papa tabata malu, informando di un linea di audiencianan cu Papa no por a duna ya cu e tabata poco verkoud.

Un epidemia di griep ta azotando Roma, ta pone cu masha hopi hende no por bai trabao y hopi muchanan ta hanja keintura hopi haltu.

# RUSIA TA REFORZANDO SU FRONTERA CU CHINA

OSCU--UPI--Union Sovietica a revelá un programa vasto di instruccion militar y civica pa muchanan den e region di Lejano Oriente fronterizo cu China Comunista. E organo militar Estrella Roja a describi e programa den un editorial di prome pagina.

E corant a bisa qu e ta un model qu por ser sigi den henter e pais, Esaki ta cai net riba lokenan a bisa pa parti di dirigitornan sovietico den giranan den e pais. Na a preveni autoadnan local qu e politica chino "drenta den un fase peligroso y nobo".

Prome ministro Alexei Kosygin a papia siman pasa den e mesun zona di adoctrinamiento di muchanan di school aki. E vice prome ministro Dmitry Polyansky a pronuncia un discurso den e provincia bisfia, tambe fronterizo cu China, Estrella Roja a indica qu e pasonan aki a ser tuma den e provincia maritima qu ta enfrenta pacifico y den e bisfia Khabarovsk;

--Cursonan civil den schoolnan, dirigi pa militarman.

--Conferencianan a cargo di oficialnan riba otro temanan, manera historia y literatura.

## PAPA TA MALU

Ciudad del Vaticano - UPI - Papa Paulo Sexto, quende ta sufrí di un verkoud leve, a suspender e audiencianan priva cu e tabatin señalá pero nan ta kere cu e lo reanuda su actividadnan mayan.

Un fuente haltu di Vaticano a bisa cu Papa tinunicamente un caso chikitu di verkoud. Mi mes tabata mesun malu -- asina e informante a bisa -- igual cu por lo menos e tercera parti di e poblacion di Roma.

E informante a bisa di ta spera cu e Sumo Pontifice lo reanuda su vida normal diadomingo. "Su Santidad tin un poco di keintura, pero nan a sigurami di cu ta trata aki di algo sin importancia", asina e informante a agrega.

E anuncio oficial di e enferme-

## CARTANAN CU NO A SER ENTREGA

A. Dr. Carlos A. Amoroso; The Manager, Antillano N.V., Maria Antron, Arrow Trading S.A., Felicitá del Carmen Asis.

B.. J.H. Brouwer, C.N. van Beelen; Jose A. Bermudez, J.J. Barnard; Olive Brown; Fam. Bongard W.R. Bool, Martina de Blanco, Abel Barzey; Fam. M. Branden Fam. A. Brink; Jane Bailey; Fam. Brouns.

C.. Xdeal Cooler Co.; Cannegletter Charles (2); Kenneth B. Chang Rosa Chagaraval; Paul Charles Sra, y familia; M. Charles, H. Coffi; J.F. Curiel; Carmen Correa; Isabel Corea; Guan Croes